



ԳԱՀԻՐԷԻ ՀԲԸՄ-Ը ԿԸ ՊԱՐԳ-ԵՒԱՏՐԷ Գ-ԵՐԱԶԱՆՑԻԿ ՈՒՍԱՆՈՂՆԵՐԸ



Կիրակի, 6 Դեկտեմբեր 2015-ին, Գահիրեի ՀԲԸՄ-ը հանդիսաւոր երեկոյթ մը կազմակերպեց, մեծարելու համար 2014-2015 ուսումնական տարեշրջանի Գահիրեի հայ համայնքի փայլուն շրջանաւարտները, անոնց յանձնելով գերազանցութեան վկայագրեր, նուէրներ եւ սիւթական պարգեւներ:

Սոյն հանդիսութիւնը տեղի ունեցաւ Զելիոպոլսոյ Պըլըքտանեան հանդիսասրահին մէջ, հոժ բազմութեան մը ներկայութեան, հովանաւորութեամբ Եգիպտոսի Հայոց Թեմի Առաջնորդ՝ Գերշ. Տ. Աշոտ Եպս. Մնացականեանի: Ներկայ էին նաեւ Գահիրեի Թեմական եւ Զաղաքական Ժողովներու ատենապետները, Եգիպտոսի ՀԲԸՄ-ի Շրջանակային Յանձնաժողովի եւ Գահիրեի ՀԲԸՄ-ի ատենապետները, անդամներ, պարգեւատրուող ուսանողներու ծնողներ, բարեկամներ եւ յատկապէս ՀԲԸՄ-ի Կեդրոնական Վարիչ Մարմնի անդամներ՝ Տեարք Վազգէն Եագուպեան եւ Երուանդ Չօրեան, ինչպէս նաեւ Երոպայի ՀԲԸՄ-ի Վարչութեան անդամուհի՝ Տիկին Աստղիկ Ալեքսանեան:

Երեկոյթը սկսաւ Գահիրեի ՀԲԸՄ-ի Վարչութեան ատենապետ՝ Տոքթ.Վիգէն Ծիգմեճեանի բացման խօսքով: Ան բարի գալուստ մաղթեց ներկաներուն, ինչպէս նաեւ շնորհաւորեց ներկայ փայլուն ուսանողները եւ իրենց ծնողները՝ անոնց ձեռք բերած պատուաբեր արդիւնքներուն համար:

Ապա, ներկայացուց ՀԲԸՄ-ի Հայկական Համացանցային Համալսարանի (ՀՀՀ) հիմնադիր եւ նախագահ՝ Դոկտ. Երուանդ Չօրեանը, որ հիւրաբար քաղաքս կը գտնուէր եւ պատուոյ հիւրն էր օրուան հանդիսութեան:

Տոքթ. Երուանդ Չօրեան շատ առիթնող գեկուցում մը ըրաւ «Դաստիարակութիւն եւ Նորոյթներ» սիւթին շուրջ եւ մատնանշեց համացանցին եւ «Multimedia»-ին դերը, որպէս արդիական միջոց համայն աշխարհի մէջ ցրուած հայերը միացնելու, դաստիարակելու եւ պահպանելու հայկական ինքնութիւնը: Ան խօսեցաւ նաեւ ՀՀՀ-ի ընձեռած զանազան նախագծերու մասին, որոնցմով կարելի է, առցանց դասարաններու եւ էլեկտրոնային գիրքերու միջոցով հայերէն լեզու, հայոց պատմութիւն եւ մշակոյթ ուսուցանել:

Դոկտ. Երուանդ Չօրեան, որ նաեւ ատենապետն է ՀԲԸՄ-ի «Silicon Valley»-ի Մասնաճիւղին եւ անդամ ՀԲԸՄ-ի Կեդրոնական Վարչութեան, սոյն հաւաքոյթին առիթէն օգտուելով, դրուատեց Տիկին Աննա Տոլապճեան-Թրայեանը, որ հաղորդակցութեան կապն է Գահիրեի ՀԲԸՄ-ին եւ ՀՀՀ-ին միջեւ, անոր շնորհելով «ՀՀՀ-ի Դեսպան» հմայիչ կոչումը, իր կատարած այն դերին համար որ ՀՀՀ-ի առցանց ուսման ծրագրերու ընդմէջէն, հայկական ինքնութեան մասին, լեզուի, պատմութեան, մշակոյթի եւ ճատրակի գիտելիքներ կը փո-



խանցե նորահաս սերունդին:

Պետք է նշել նաեւ թէ Տիկին Թրայեան՝ Գահիրէի ԶԲԸՄ-ի եւ ԶԶԳ-ի միջեւ որպէս հաղորդակցութեան կցորդ նշանակուելէն ի վեր, շուրջ երեք տարի առաջ, սոյն դասընթացքներուն մասնակցող եգիպտահայ երիտասարդներուն թիւը զգալիօրէն աւելցած է: Դարձեալ, շնորհիւ իր խանդավառութեան եւ եռանդին, ան կարողացաւ տասը շրջանաւարտներու հետ կազմել ԶԶԳ-ի առաջին առցանց ճատրակի խմբական դասընթացքներ, ինչպէս նաեւ ճատրակի ակումբ մը՝ Գահիրէի ԶԲԸՄ-ի Կեդրոնին մէջ, ուր մասնակիցները շաբաթը անգամ մը կը հաւաքուին եւ կ'ըմբռնեն իրենց նախասիրած մտային խաղը:

Հանդիսութեան առաջին բաժնի աւարտէն վերջ, սկսաւ փայլուն շրջանաւարտներու պարգեւատրման արարողութիւնը:



Մրցանակները, որոնք կը բաշխուին 2001 թուականէն ի վեր, շնորհիւ Գահիրէի ԶԲԸՄ-ի Սաթենիկ Չազըր Զիմնադրամին, գնահատանքի եւ քաջալերանքի արտայայտութիւն մըն են՝ հանդէպ համայնքիս այն ուսանողներուն, որոնք փայլուն յաջողութեամբ աւարտած են իրենց կրթական շրջանը:

Այս տարի մրցանակի արժանացած են 17 շրջանաւարտներ.

Տասը՝ Նախակրթարանէն.

Կլորիա Մկրտիչեան՝ 98.76% արդիւնքով,

Լարա Չամբերթեանէն՝ 98.46%,

Կարօ Սարգիսեան՝ 98.15%,

Լոռի Զիլինկիրեան՝ 97.63%,

Գարին Տրդատեան՝ 97.19%,

Արեգ Սիմոնեան՝ 96.95%,

Բիռն Չերտելեան՝ 96.56%,

Ռիթա Գեորգեան՝ 95.3%,

Ալէն Բարմաքեան՝ 94.39%

Արին Սիմոնեան:

Երեք՝ Պատրաստականէն.

Վարդուհի Գրիգորեան՝ 94.66%,

Բերլա Աւանեան՝ 91.91%

Մեսրոպ Ղազելեան՝ 91.80%:

Երեք՝ Երկրորդականէն.

Սեւակ Սազայեան՝ 98.50%,

Փայլակ Թորոսեան՝ 93.50%

Կարին Կրպոյեան՝ 92%:

Այս տարի միայն մէկ ուսանող՝ Ռակի Սարգիս, համալսարանաւարտ եղած է «Շատ Լաւ» յիշատակութեամբ:

Պարգէւները ուսանողներուն յանձնուեցան Գահիրէի ԶԲԸՄ-ի Վարչութեան անդամներուն կողմէ: Վկայագիրներու եւ գիրքերու առընթեր, փայլուն նիշերով շրջանաւարտները ստացան նաեւ նիւթական պարգէւներ, որոնք կը համապատասխանեն իրենց ստացած վկայականին: Այսպէս, Նախակրթարանի բաժնէն շրջանաւարտը ստացաւ 200 Ե.Ռ.: Պատրաստականի բաժնէն շրջանաւարտը՝ 400 Ե.Ռ., իսկ երկրորդականինը՝ 1000 Ե.Ռ.: Սոյն նիւթական պարգէւները կը ստանան միայն անոնք՝ որոնց միջինը նուազագոյնը 90% է:



«Շատ Լաւ» յիշատակութեամբ համալսարանաւարտը ստացաւ 1500 Ե.Ռ.:

Կը շնորհաւորենք բոլոր շրջանաւարտները եւ անոնց կը մաղթենք նորանոր յաջողութիւններ:

**ԶԲԸՄ-ի կայքէջէն քաղեց՝
Անայիս Ճիզմեճեան**